

## Script of Evening Gojri News Bulletin

23 November 2025 at 1700 Hrs

ايويننگ گو جری نیو ز بلیٹن مو رخہ 23 اپریل 2025

\*\*\*\*\*

یوہ آکا شوانی جموں ہے باغ علی طاہر تے عبد المجید تیں خبر سُنو۔ پہلاں خاص خاص خبر۔

\*\*\*\*\*

\*1۔ لیفٹنٹ گورنر منوج سنہا نے جموں مانہہ اک اعلیٰ سطحی میٹنگ غے دوران یوٹی غی مجموعی سلامتی صورتحال غو جائزو لیوہے۔

\*2۔ جموں کشمیر انتظامیہ نے آئندہ 26 نومبر نانہہ بڑا پیمانہ ور یوم آئن منایا جان غی خاطر اک سرکلر جاری کیوہے۔

\*3۔ چیف سیکریٹری آئل ڈلو نے سرحدی گرایاں غی مجموعی ترقی غی خاطر عمل آوری غو جائزو لیوہے۔

\*4۔ جسٹس سوریا کانت پہلک ملک غا چیف جسٹس غا عہدہ غو حلف لیں گا۔

\*5۔ تے گورو تیغ بہا در غو 350 ووں شہادت پورا جموں کشمیر مانہہ بڑی عقیدت سنگ منایو گیوہے۔  
\*\*\*\*\*

خبراں غی تفصیل نال پہلاں باغ علی طاہر۔

### LG Security Meet

لیفٹنٹ گورنر منوج سنہا نے آج جموں مانہہ اک اعلیٰ سطحی میٹنگ غی صدارت کرتاں واں یوٹی مانہہ مجموعی سلامتی صورتحال غو جائزو لیو۔ انہاں نے حفاظتی بندوبست ہور تگڑا بنان غی خاطر جاری اقدامات غو وی جائزو لیو بے میٹنگ مانہہ چیف سیکریٹری آئل ڈلو، ڈی جی پی نلن پرہیات، خصوصی ڈی جی برائے رابطہ کاری ایس ایم گیلانی تے جموں زون غا آئی جی، بی ایس ٹوٹی سمیت کئی پولیس تے سول انتظامیہ غا اعلیٰ افسراں نے شرکت کی۔ میٹنگ غے دوران خاص کر سلامتی صورتحال، دہشت گردی مخالف کا روائیاں تے آئندہ سیال غا موسم غے دوران انتظامی تیاریاں بارے غور کیو

گیو۔ اس موقع ور ایل جی موصوف نانہ جموں کشمیر تیں دہشت گردی غا  
ڈھانچہ نانہ مسمار کرن بارے چایا گیا اقدام غی جانکاری دتی گئی۔  
\*\*\*\*\*

## Samvidhan Divas

جموں کشمیر انتظامیہ غی طرفوں آئندہ 26 نومبر نانہ یوم آئن منایا جان غا  
سلسلہ مانہ اک سرکلر جا ری کیو گیو ہے۔ یوہ دن بھارتی آئن اپنایا جان غی  
یاد مانہ منایو جائے۔ اس سرکلر غے مطابق جموں کشمیر غا تمام سرکاری  
دفتر، تعلیمی ادارا تے پبلک سیکٹر یونٹاں نانہ ہدایت کی گئی ہے جے وے  
سویر 11 بجے آئن بند غی تمہید یعنی پریمل پڑھیا جان غا سلسلہ مانہ تقریبات  
منعقد کریں، نالے آئنی اقدار غا فروغ غی خاطر بکھ بکھ سرگرمیاں غو وی  
انعقاد کیو جائے۔  
\*\*\*\*\*

## CS- VVP

ملک پھر مانہ "وکست بھارت" غا مستقبل غا منصوبہ غا سلسلہ مانہ چایا جان  
آلا اقدام غا اک حصہ غا طور ور چیف سیکریٹری آئل ڈلو نے آج اک اعلیٰ  
سطحی میٹنگ غی صدارت کرتاں واں متحرک گرائیاں بارے پروگرام وی  
وی پی غا دوجا مرحلہ غی عمل آوری تے پیش رفت غو جائزو لیو۔ میٹنگ غے  
دوران چیف سیکریٹری نے ایسا شناخت کیا گیا گرائیاں مانہ سڑک رابطاں  
مواصلاتی خدمات ٹیلی ویزن غی رسائی تے بجلی سپلائی جیسا کماں غی  
تکمیل مانہ آیا فرق غی شناخت کرن غی خاطر جامع سروے کران غی  
ضرورت ور زور پایو۔ انہاں نے محکماں نانہ ہدایت کی ہے جے وے  
موضوع وار فرق غو تفصیلی جائزو لے غے انفرادی گرائیاں کماں بارے  
منصوباں نانہ ترتیب دین غا کماں مانہ تیزی لیاویں، تا نجے ان علاقاں مانہ  
ضروری ترقیاتی ڈھانچہ تے خدمات میسر کرائی جا سکیں۔  
\*\*\*\*\*

## Poonch Unity March

ضلع انتظامیہ پونچھ نے نوجواناں غی خدمات بارے مائی بھارت وزارت غی  
سانج نال پونچھ مانہ بھارت غا مرد آہن سردار ولہ بھائی پٹیل غی 150 واں  
جنم تہاڑا غا سلسلہ مانہ اک متحرک یکجہتی مارچ غو انعقاد کیو۔ اے ڈی  
سی پونچھ طاہر مصطفیٰ ملک نے اس ریلی نانہ چلڈرن پارک پُرانی پونچھ  
تیں جھنڈی دس غے روانہ کیو جھپڑی سپورٹس سٹیڈیم پونچھ مانہ اختتام پزیر  
ہوئی۔ جس مانہ متی تعداد مانہ طالب علماں، مقامی نوجواناں تے دیگر لوکاں  
نے سردار ولہ بھائی پٹیل غا "ایک بھارت سریشٹھ بھارت" غا نظریہ بارے  
بتھاں مانہ قومی ترنگو تے کتبہ چاہ غے شرکت کی۔ اس سلسلہ مانہ  
سپورٹس سٹیڈیم پونچھ مانہ اک حلف وی چایو گیو۔ اس موقع ور اخباری

نمائنداں نال گل کرتاں واں اے ڈی سی طاہر مصطفیٰ ملک نے اس طرح  
کہیو۔۔ بانٹ۔۔

\*\*\*\*\*

### Samba Unity March

بھارت غا مردِ آہن سردار ولہ بھائی پٹیل غا 150 واں یوم پیدائش غی یا د مانہ  
بھارت سرکار غی کھیڈاں تے نوجواناں غا امور بارے وزارت غے تحت  
مائی بھارت جموں نے ضلع انتظامیہ سانہ غا تعاون نال سانہ مانہ سردار ایٹ  
150 یونٹی مارچ ضلع سطح غی پیدل یا ترا غو اہتمام کیو۔ اس چہل قدمی غو  
آغاز دائوگ گراں رام گڑھ غا تاریخی باموچک مندر تیں ہوئو، جہیڑو جے 2  
سو سال پرانو تاریخی نشان ہے۔ اس چہل قدمی نانہ رام گڑھ غا ایم ایل اے  
ڈاکٹر دیو پندر کمار منیال نے جھنڈی دس غے روانہ کیو۔ ڈاکٹر منیال نے  
اس قدم غی تعریف کرتاں واں کہیو جے اس چہل قدمی نال قومی یکجہتی نانہ  
فروغ ملے گو۔ اس موقع عور بولتاں واں ڈاکٹر منیال نے کہیو۔۔ بانٹ۔۔ جد کہ  
ڈپٹی کمشنر سانہ آیو شی سودن نے اس بارے گل کرتاں واں اس طرح  
کہیو۔۔ بانٹ۔۔

\*\*\*\*\*

مزید خبراں نال عبدالمجید۔ ور اُس تیں پہلاں یوہ پیغام۔(یہ خبر تم آکاشوانی  
جموں تیں سُن رہیا ہیں، تے یہ خبر مہاری ویب سائٹ نیوز آن ائیر ڈاٹ گو  
ڈاٹ ان ور وی دستیاب ہیں، اس تیں یہ خبر مہاری مو بائل ایپ تے ڈی ٹی  
(ایچ ور وی دستیاب ہیں)

### CJI Oath

جسٹس سوریا کانت جہیڑا دفعہ 370 غی منسوخی، بہار مانہ ووٹر فہرستان  
غی نظر ثانی تے پیگس، سپائی وئیر جیسا تاریخی معاملن ور حکم جاری  
کیا جان مانہ شریک رہیا ہیں۔ پہلک بھارت غا 53 واں چیف جسٹس بی آر گو  
ئی غی جگہ لیں گا، جہیڑا آج شام اپنا عہدہ تیں سبکدوش ہو گیا ہیں۔ جسٹس کا  
نت نانہ گذشتہ 30 اکتوبر نانہ سپریم کورٹ غا چیف جسٹس غا طور ور مقرر  
کیو گیو تھو تے وے قریب 15 مہیناں توڑی اس عہدہ ور قائم ریں گا۔ وے 9  
فروری سال 2027 نانہ 65 بہراں غی عمر مکمل ہون ور اپنا عہدہ تیں  
سبکدوش ہو جائیں گا۔

\*\*\*\*\*

### Guru Tegh Bahadur

آج پورا جموں کشمیر مانہ گورو تیغ بہادر جی غو 350 ووں شہیدی تیہاڑو  
بڑی عقیدت سنگ منایو گیو۔ نوواں سیکھ گورو غی شہادت غا سلسلہ مانہ کئی

تقریبات منعقد کی گئیں۔ اس تاریخی موقع غی مناسب سنگ کئی عقیدتمندان  
نے گورو دارا مانہ حاضری دے غے عبادت کی۔ مذہبی آزادی تے انسانی  
حقوق غا علمبردار گورو تیغ بہا در جی غی تعلیمات انسانیت واسطے مشعل راہ  
ہے، جس مانہ ہمدردی، قربانی تے حوصلہ غو درس ملے۔ یوہ دن جموں، پونچھ،  
سرینگر، بڈگام تے دوجا ضلعان مانہ عقیدت تے احترام سنگ منایو گیو۔ سیکھ  
ویلفئیر کمیٹی غا اک عہدیدار نے اس موقع ور اپنا خیالات غو اظہار کرتاں واں  
کہیو۔۔ بانٹ۔۔

\*\*\*\*\*

### NCC Raising Day

پونچھ غا اجوٹ علاقہ مانہ جنگی یادگار این سی سی نے 78 ووں یوم تا  
سیس منایو۔ اس موقع ور منعقدہ تقریب مانہ 5ویں بتالین این سی سی غا  
کمانڈینگ افسر اجے ڈھل مہمان خصوصی تھا۔ اس تقریب غی شروعات پُھل  
چاڑ غے تے پرچم کشائی کر غے کی گئی۔ تقریب غے بعد کمانڈینگ افسر  
ڈھل نے کیڈٹس نال گل بات کی۔ تحریکی بصیرت غا اشتراک تے نظم و ضبط  
اور قوم غی تعمیر واسطے ان غا عزم غی حوصلہ افزائی کی۔ تقریب مانہ  
تدرست، صحت مند رہن عوام غی خدمات وغیرہ ور توجہ مرکوز رہی۔ این سی  
سی غا 78 واں یوم تا سیس غا موقع ور ملک پھر مانہ تقریب منعقد کی گئی۔  
اس موقع ور بولتاں واں سی او اجے ڈھل غو کہنو تھو۔۔ بانٹ۔۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔